

Qishloq hayoti

O‘ZBEKISTON RESPUBLIKASI IJTIMOY-IQTISODIY GAZETASI

1974-yil 1-yanvardan chiqa boshlagan

2024-yil 28-mart, payshanba

№ 13 (9281)

e-mail: infoqishloqhayoti@yandex.ru

@Qishloqhayoti_gazetasi

ХАР БИР КОРХОНА, ТАДБИРКОР ВА ХОНАДОН БИЛАН ЯҚИНДАН ИШЛАЙДИГАН ТИЗИМ ЙЎЛГА ҚЎЙИЛАДИ

Ўзбекистон Республикаси Президенти Шавкат Мирзиёев 25-26 март кунлари Наманган вилоятида бўлди.

Давлатимиз раҳбари ташифнинг иккинчи куни Наманган вилоятини иқтисодий-ижтимоий ривожлантириш чора-тадбирлари муҳокамаси юзасидан йиғилиш бўлиб ўтди.

Одамларнинг меҳнати ва тадбиркорлиги билан Наманганда ҳаёт ўзгараётгани қайд этилди. Охириги етти йилда вилоят иқтисодиёти 2 баробар, экспорт 3 қарра ўсиб, аҳоли жон бошига даромад 15,5 миллион сўмга етган. 65 триллион сўм инвестиция ҳисобига 600 минг иш ўрни яратилган.

Лекин ҳали кўп имкониятлар ишга солинмаган, жойларда камчиликлар ҳам бор. Масалан, вилоят экспортининг 86 фоизи тўқимачилик ва мева-сабзавотчилик ҳиссасига тўғри келади. Поп, Чортоқ, Норин ва Янгиқўрғонда саноатлаштиш даражаси паст. Вилоятда 56 минг томорқада маҳсулот етиштирилмаяпти.

Танқидий руҳда ўтган йиғилишда шу каби муаммолар таҳлил қилиниб, имкониятларни тўлиқ ишга солиш бўйича вазифалар белгиланди.

Давлатимиз раҳбари энг асосий масала аҳоли бандлигини таъминлаш ва даромадини ошириш эканини таъкидлади.

Сайхунобод тажрибаси асосида Наманганда ҳам катта ҳаракат бошланган. Вилоятнинг 14 та туманидаги 788 та маҳаллага банк филиаллари бириктирилган. Улар “маҳалла еттичилиги” билан бирга хонадонлардаги имкониятларни, оиланинг хоҳиш-истакларини ўрганмоқда.

Биринчи босқичда кам даромадли 4 мингта хона-

дон танлаб олиниб, оила аъзолари жон бошига ойлик даромаднинг 2 миллион сўмгача ошириш чоралари кўрилади. Кейинги босқичда яна 4 мингтага молиявий, техник, маслаҳат ва бошқа кўринишдаги амалий ёрдам берилди. Маҳаллаларда гулчилик, балиқчилик, асалари-чилик, чорвачилик, узумчилик, қулупнай ва картошка етиштириш имконияти, айниқса, яхши. Бунга имтиёзли кредитлар ажратилди.

– Бу ишларни ким қилиши керак? Президент вакили бўлган ҳокимлар, сектор раҳбарлари, 5 мингдан ортиқ иқтисодий идора ходимлари, маҳалладаги “еттилик” қилиши лозим. Бунинг учун барча масъуллар ҳар бир корхона, тадбиркор ва хонадон билан яқиндан ишлайдиган тизимни йўлга қўйиши керак, – деди давлатимиз раҳбари.

Сўнгги йилларда тўқимачиликда хомашёни тўлиқ қайта ишлаш йўлга қўйилиб, экспорт ҳажми 1 миллиарддан 4 миллиард долларга кўпайди. Худди шундай, заргарликда ҳам салоҳият ҳозиргидан анча юқори. Юртимизда йилга 100 тонна олтин қазиб олинмоқда. Лекин унинг атиги 6 фоизи қайта ишланиб, бор-йўғи 78 миллион доллар экспорт бўлган.

Шу боис тадбиркорлар учун алоҳида шароитларга эга заргарлик зоналари ташкил қилиниши айтилди. Соҳага хомашё етказиш, мутахассис тайёрлаш, ишлаб чиқариш занжирини ва сотиш тизимини бутунлай қайта кўриб чиқилади. Бу борада қонунчиликка ҳам тақлифлар киритилади.

(Давоми 2-саҳифада)



НАМАНГАНЛИК ШИФОКОРНИНГ МАЪРУЗАСИ МОСКВАДА ЭЪТИРОФ ЭТИЛДИ

Зокиржон Абидов узоқ йиллардан буюн Ўзбекистон Республикаси Санитария-эпидемиологик осойишталик ва жамоат саломатлиги Қўмитасининг Наманган вилояти бошқармасида паразитология бўлими ва лабораторияси мудири вазифасида самарали меҳнат қилиб келади.

Тиббиёт фанлари номзоди, юкумли касалликлар бўйича Евро-Осиё жаҳияти аъзоси бўлган изланувчан олимни нафақат мамлакатда, дунёнинг қатор давлатларида ҳам яхши танишади. У айни кунларда Россиянинг Москва шаҳрига расмий тақлиф этилган. “Замонавий дунёда юкумли касалликлар: эволюцияси, ҳозирги ва келажакдаги таҳдидлар” мавзусида давом этаётган Умуморсия халқаро кон-

грессида қатнашмоқда. Нуфузли халқаро анжуманда наманганлик олимнинг “Қанали қайталама терлама касаллигининг ҳозирги замон клиник – эпидемиологик хусусиятлари” мавзусидаги илмий маърузаси ҳам тингланди. Ўзбек олимнинг чиқиши конгресс иштирокчилари томонидан илик қутиб олинди ва эътироф этилди.

Равшанбек МИРЗОЛИМОВ, “Qishloq hayoti” мухбири.

КАМ СУВ САРФЛАБ, МЎЛ-КЎЛ ҲОСИЛ ЕТИШТИРАМИЗ

Халқимизда сувни тириклик, ҳаёт манбаи яъни зарға қиёслаб айтилган ҳикматлар бисёрки, буни қурраи заминда йилдан-йилга унинг аҳамияти, танқислиги қузатилаётган бир пайтда қалбан ҳис этиб, гувоҳига айлиниб бораёпмиз.

НАМАНГАН ВИЛОЯТИ

Бу борадаги вазият бошқа давлатлар қатори Ўзбекистон аҳолиси, айниқса, Сув ҳўжалиги вазирилик тизимида фаолият кўрсатаётган соҳа ишчи-ҳодимлари учун ҳам етти ўлчаб бир кесиб, зарур чора-тадбирлар кўришни тақозо этаётир.

Бу борада Наманган вилоятида ҳам тилга олса арзигулик ишларга киришилди. Жорий йилда вилоят бўйича 10 та ирригация, 3 та мелиорация объектларини қуриш ва реконструкция қилиш учун жами 86402,2 млн.сўм маблағ ажратилди. Бу ишлар ўз вақтида амалга оширилса, 2 та насос станцияси, 0,8 км. узунликдаги канал қисми, 7 та янгидан бошланувчи объектлар, 17,7 км. узунликдаги 6 та канал қисми, 3 та гидротехник, 1 та сел



тошқинидан ҳимоялаш иншоотлари фойдаланишга топширилади. Вилоятда жорий йилнинг ўтган даври мобайнида бу борада муайян ишлар ижроси таъминланди. Шу кунгача ирригация объектларини қуриш ва реконструкция қилишда 40 млрд. сўмлик иш бажарилди. Жами 40,8 млрд. сўм маблағлар

аванс тариқасида ва бажарилган ишлар учун молиялаштириб берилди. Ҳозирда пудрат ташкилоти аниқланган 6 та янгидан бошланувчи ва 1 та йилдан-йилга ўтувчи объектларда қурилиш-монтаж ишлари белгиланган ҳававал асосида олиб боришмоқда.

(Давоми 3-саҳифада)



ХИТОЙ КОМПАНИЯСИ БИЛАН КЕЛИШУВ ИМЗОЛАНДИ

Бугун Хитойнинг “CITIC Construction Co., Ltd” компанияси президенти Ян Цзяньцян бошчилигидаги делегация Сув ҳўжалиги вазириликка таширф буюрди.

Айтиш жоизки, жорий йил 24-25 январь кунлари Хитой Халқ Республикасида давлат таширфи чоғида Ўзбекистон Республикаси Президенти Шавкат Мирзиёев Пекин шаҳрида CITIC корпорацияси раҳбари Си Гоҳуа билан учрашув ўтказган эди.

Хитой мулкни бошқариш бўйича халқаро инвестиция корпорацияси

молиявий хизматлар кўрсатувчи ҳамда йирик саноат ва инфратузилма лойиҳаларини амалга оширувчи етакчи компаниядир. Унинг активлари қарийб 1,5 триллион долларни ташкил этади.

Учрашувда қўшма лойиҳалар портфелини кенгайтириш масалалари кўриб чиқилиб, мамлакатимиз ир-

ригация тизимларини модернизация қилишга ҳам эътибор қаратилган эди.

Давлат таширфи доирасида Ўзбекистон Республикаси Сув ҳўжалиги вазирилик ва Хитойнинг “CITIC Construction Co., Ltd” компанияси ўртасида ҳамкорлик меморандуми имзоланган эди.

(Давоми 2-саҳифада)

ТОШКЕНТ ВИЛОЯТИ

БИР МАҲАЛЛА — БИР МАҲСУЛОТ

Тошкент вилоятидаги ҳоким ёрдамчиларининг сазй-ҳаракати билан 679,1 минг нафар фуқаронинг бандлиги таъминланди.

Жорий йилда эса “Бир маҳалла – бир маҳсулот” тамойили бўйича ҳар бир маҳаллада маълум бир экин турларини жойлаштириш мақсад қилинмоқда.

Бунда маҳалладаги аҳоли томорқаларидаги маҳсулотлар тури ва навини бир тоифага ўтказиш кўзда тутилмоқда. Бу эса ўз навбатида маҳаллаларга экспортёрларни жалб қилиш имкониятини оширади. Жумладан, Президентимизнинг 2024 йил 5 мартдаги “Аҳоли хонадонларида саноат усулида маҳсулот ишлаб чиқаришни қўлаб-қувватлаш ҳамда томорқа ва деҳқон ҳўжаликларида янги захираларни ишга солишга доир чора-тадбирлар тўғрисида”ги қарорида ҳам бу борада муҳим вазифалар белгиланган.

Шундан келиб чиқиб жойларда тажрибали томорқачилар фаолияти оммалашмоқда. Ўрта Чирчиқ тумани “Янгийўл” маҳалла фуқаролар йиғинида яшовчи Санжар Хайдаров ҳали ёш бўлишига қарамай 1 гектар майдонда манзарали дарахт

кўчатларини қаламча усулида етиштиради. Маҳаллий қаламчаларга хорижий нав пайвандланиб, иқлимга мослаштирилмоқда. Унинг маҳаллада шогирдлари ҳам кўпайган. Ҳозир оилавий тадбиркорликнинг бу йўналиши туманда секин-аста оммалашмоқда.

– Ҳозир иссиқхонамизда 60 мингдан зиёд кўчат бор, – дейди оилавий тадбиркор Санжар Хайдаров. – Парваришлаётган кўчатлар нави ва ёшига қараб 20 минг сўмдан 6 миллион сўмгача сотилади. Даромадимиз ҳам шунга яраша бўлмоқда. Бу касб кишини сабрли ва масъулиятли бўлишга ўргатаркан.

Қибрай туманидаги аҳоли томорқа ерларида лимон ва қулупнай етиштириш анча ривожланган. Бугун кўпчилик қибрайликлар шу орқали оилавий даромадларини оширмоқда. Улардан бири “Шодлик” МФЙда яшовчи Нормат Юсуповдир. У ўз хонадонидagi икки сотих ер майдонида иссиқхона барпо этиб, 25 туп



лимон кўчатини парваришлайди. Йилига 2 тонна ҳосил етиштириб, 40 миллион сўм даромад олмақда. Нормат аканинг фаолиятини кенгайтириш учун маҳалла раиси ва ҳоким ёрдамчиси томонидан 33 миллион сўм имтиёзли кредит ажратишда амалий ёрдам кўрсатиш белгиланди. Шу кунларда Қибрай туманида томорқачилар билан учрашувлар ўтказилиб, уларнинг тақлифлари ва ташаббусларини амалга ошириш чоралари қўрилмоқда.

ИҚЛИМ ЎЗГАРИШИГА ҚАРШИ КУРАШИШ МАСАЛАСИ Кўриб чиқилди



Женева шаҳрида Қўшилмаслик ҳаракати парламент тармоғининг “Иқлим ўзгаришига қарши курашишда парламент фаолиятини кучайтириш” мавзусидаги учинчи конференцияси бўлиб ўтди. Унда Ўзбекистон Республикаси Олий Мажлиси Сенати раиси раҳбарлигидаги Ўзбекистон парламенти делегацияси ҳам иштирок этди.

Дунё парламентлари ва халқаро тузилмалардан 53 делегация ҳозир бўлган анжуманда иқлим ўзгаришига қарши курашишда парламентларнинг ролини кучайтиришга қаратилган қатор стратегия ва ёндашувлар муҳокама қилинди.

Анжуманда иқлим ўзгариши жамоавий ҳаракатларни талаб қиладиган замонамизнинг глобал муаммоларидан бири бўлиб қолаётгани, бугун қабул қилинадиган қарорлар келажак авлодларга узоқ муддат таъсир кўрсатиши айтиб ўтилди.

Иссиқхона газлари чиқиндиларини камайтириш, аҳолининг хабардорлик даражасини ошириш, барқарор экологик сиёсат соҳасида халқаро ҳамкорликни ривожлантиришга қаратилган намунавий қонунларни ишлаб чиқиш бўйича парламентларнинг сазй-ҳаракатларини бирлаштириш лозимлигига эътибор қаратилди.

Конференцияда нутқ сўзлаган Ўзбекистон Сенати раиси Танзила Норбоева жаҳон мамлакатлари парламентлари инсон омилининг сайёрамизга салбий таъсирини имкон қадар камайтириш бўйича шошилинч чоралар кўриш учун масъулиятни ўз зиммасига олиши зарурлигини таъкидлади.

Экологик муаммоларни

ҳал қилишда парламентлардан талаб этиладиган зарур жиҳатлар санаб ўтилди. Экология ва иқлим ўзгариши соҳасига доир қонун ҳужжатларини уйғунлаштириш бўйича мамлакатлар парламентлари ўртасидаги ҳамкорликни мустаҳкамлаш, глобал ўртача ҳароратнинг ўсшини цельсий бўйича 2 даражадан паст даражада ушлаб туришга эришиш ва Париж битимини амалга оширишни қўлаб-қувватлаш шулар жумласидандир.

Т.Норбоева иштирокчилар эътиборини “яшил” технологиялар ва тегишли инфратузилмага инвестициялар киритиш учун қулай шарт-шароитлар яратиш зарурлигига қаратди.

Конференцияда Қўшилмаслик ҳаракати парламент тармоғи Бюроси ва доимий комиссияларини шакллантириш, шунингдек, халқаро ташкилотларга Қўшилмаслик ҳаракати парламент тармоғи ҳузурида кузатувчи мақоми бериш тўғрисидаги ташкилий масалалар кўриб чиқилди ва қарорлар қабул қилинди.

Тадбир якунида кўриб чиқилган масалаларни сарҳисоб қилган ҳолда Женева декларацияси қабул қилинди.

Н.АБДУРАИМОВА, ЎЗА мухбири.

Қарор ва ижро

Чиноз туманида аҳоли билан тадбиркорлар ўртасида ҳамкорлик йўлга қўйилиб, кооперациялар ташкил этилган. Томорқа-сидаги бўш ерда балиқ боқиш учун ховуслар ташкил этган уй эгалари 30 нафарга етган. Улар “Чиноз Шўҳрат тайёрлов савдо” МЧЖ билан ҳамкорликда кооперация усулида маҳсулот етиштирмоқда. Бунда ҳар бир сунъий сув ҳавзаларида боқилган балиқ маҳсулотларидан йилга ўртача 30 миллион сўм миқдорда соф фойда олиш режалаштирилган. Бундан ташқари, хонадон эгасига ҳар ой 1,2 миллион сўм миқдоринда иш ҳақи тўлаб берилди.

Мутахассислар билан суҳбат ўтказганда яна 100 нафар хонадон эгаси бу лойиҳага қизиқиш билдирди. Эндиликда бу фуқаролар соҳага ўқитилиб, кооперацияга жалб этилади. Натижада маҳаллада ихтисослашув кенгайди.

Шу билан бирга, Тошкент вилоятида ер майдонларидан самарали фойдаланиш бўйича “Бир контур – бир маҳсулот” тамойили асосида маҳсулот етиштириш йўлга қўйилмоқда. Унга кўра, ишсиз ёшларга ер майдонлари ажратилиб, улар тажрибали фермерлар, экспортёрларга кооперация асосида бириктирилади.

А.МУСАЕВ, ЎЗА мухбири.

ХИТОЙ КОМПАНИЯСИ БИЛАН КЕЛИШУВ ИМЗОЛАНДИ

(Боши 1-саҳифада)
“CITIC Construction Co., Ltd” компанияси CITIC давлат корпорациясининг холдинг компанияси ҳисобланади. Инжиниринг бўйича комплекс хизматларнинг йирик провайдери сифатида халқаро инжиниринг бозорининг энг фаол иштирокчиларидан бири. Марказий Осиё, Шарқий Европа, Жануби-Шарқий Осиё, Африка, Жанубий Америка мамлакатларида йирик лойиҳаларни амалга ошириб, улкан тажриба тўплаган.

Мулоқот чоғида Сув ҳўжалиги вазири Шавкат Хамраев нуфузли делегациянинг вазирликка ташрифидан мамнун эканлигини таъкидлади. Келгусида ушбу компания билан ҳамкорликда қўлаб лойиҳалар амалга оширилишига умид билдирди.

Ўз навбатида “CITIC Construction Co., Ltd” компанияси президенти Ян Цзяньцянь самимий ва илиқ қабул учун миннатдорлик билдирди. Ўзбекистонда

йирик лойиҳаларни амалга оширишдан, бу жараёнда Сув ҳўжалиги вазирлиги билан ҳамкорлик қилишдан манфаатдор эканлигини эътироф этди.

Музокара якунида Ўзбекистон Республикаси Сув ҳўжалиги вазирлиги ва Хитойнинг “CITIC Construction Co., Ltd” компанияси ўртасида Ўзбекистонда каналларни бетонлаштириш, сув омборларини қуриш ва насос станцияларини модернизация қилиш лойиҳаларини амалга ошириш тўғрисида келишув имзоланди.

– Ушбу келишув нафақат узоқ мuddатли ҳамкорлигимизга, боқий дўстлигимизга ҳам пойдевор бўлиб хизмат қилади, - деди Ян Цзяньцянь.

Музокара якунида меҳмонлар вазирлик делегациясини компаниянинг фаолияти, хусусан, сувни тежаш бўйича қўлланилаётган илгор технологиялар билан танишиш учун Хитойга тақлиф қилди.

Сув ҳўжалиги ахборот хизмати

ЮРИТУВДАГИ ИШЛАР ИЖРОСИ ЎЗ ВАҚТИДА ТАЪМИНЛАНМОҚДА

Ўзбекистон Республикасининг “Суд ҳужжатлари ва бошқа орган ҳужжатларини ижро этиш тўғрисида”ги Қонуни ҳамда бошқа норматив ҳужжатлар юзасидан Мажбурий ижро бюросининг Жиззах шаҳар бўлими томонидан бир қатор ишлар амалга оширилди.



Хусусан, суд ҳужжатларини тамомлаш юзасидан 4 478 та ижро ҳужжати бўйича 117 млрд. сўмлик ишлар тамомланиб, шундан 3 312 та ижро ҳужжати бўйича 89 млрд. сўмлик ишларнинг ижроси таъминланган.

Шунингдек, жорий йилнинг ўтган 2 ойи давомида давлат фойдасига ундириладиган 4 605 та ижро иши бўйича 33 млрд. сўм, жисмоний ва юридик шахслардан солиқ қарздорлигини ундириш юзасидан 1 201 та ижро иши бўйича 26 млрд. сўмлик маблағлар ундирилиши таъминланди.

Ушбу ундирилган маблағлардан 2 млрд. сўми темир дафтар, аёллар дафтари ва ёшлар дафтарида рўйхатда турувчилар учун йўналтирилди.

Вояга етмаган болалар манфаатлари учун нафақат алимент ундируви балки оилалар яраштирилишига ҳам алоҳида эътибор бериб келинмоқда.

Жумладан, жорий йилнинг

ўтган 2 ойи давомида бўлим иш юритишда бўлган 23 та оила яраштирилди.

Тижорат банклари фойдасига ҳам кредит қарздорликлари доимий равишда назоратга олиниб, ундириб келинмоқда. Бўлим томонидан 456 та ижро ҳужжатлари бўйича 18 млрд. сўмлик ижро ҳужжатлари тамомланиб, шундан 319 та 12 млрд. сўмлик ижро ҳужжатларининг ижроси таъминланди.

Фуқароларнинг ҳуқуқ ва эркинлари поймол қилинишининг олдини олиш борасида ҳам бир қатор ижобий ишлар амалга оширилди.

Ўтган икки ой мобайнида бўлим иш юритувига 138 та мурожаат келиб тушган бўлиб, шундан 68 таси ижобий ҳал этилди, 60 та мурожаат юзасидан ҳуқуқий тушунтириш берилди, 16 та мурожаат жойида ҳал этилди.

О. ТОШПЎЛАТОВ,
МИБнинг Жиззах шаҳар бўлими давлат ижрочиси.

ҲАР БИР КОРХОНА, ТАДБИРКОР ВА ХОНАДОН БИЛАН ЯҚИНДАН ИШЛАЙДИГАН ТИЗИМ ЙЎЛГА ҚЎЙИЛАДИ

(Боши 1-саҳифада)

Тўла фойдаланилмаётган имкониятлар яна йўлар ва туризмдир. Ангрен шаҳридан то Тўрақўрғонгача 100 километр юрилади, автомобиль оқими кунига 10 мингдан ошади. Тадбиркорлар бу йўл бўйида ошхоналар, савдо ва хизмат кўрсатиш шохбчаларини кўпайтириб, 10 минг аҳолини доимий банд қилишга тайёр. Буни тартибли ташкил қилиш учун мастер-режа ишлаб чиқиб, ерларни аукционга чиқариш вазифаси қўйилди.

Наманган вилоятининг тоғли ва ҳушманзара худудларида туризми ривожлантириш, сайёҳларга қулайлик яратиш учун авиа ва темирйўл қатновларини кўпайтириш зарурлиги айтилди.

Вилоятда саноат салоҳияти ҳам юқори. Сўнгги йилларда 72 та кичик ва ёшлар саноат зоналари ишга тушди.

Лекин 16 та саноат зонасида 78 гектарда қўшимча лойиҳа жойлаштириш имконияти бор. 29 та норуда конига саноат кириб бормаган. Вилоятнинг қўшни давлатларга экспорти 568 миллион доллар. Бу бор имкониятга мутлақо тўғри келмайди.

Шу боис конларни савдога чиқариш, қўшимча божхона постлари ва савдо уйлари очиш, Наманган халқаро аэропортида юк терминали ва Қамчиқ довонига яқин жойда логистика маркази ташкил этиш чоралари белгиланди. Тўқимачилик, чарм-поябзал, заргарлик, электр техникаси, қурилиш материаллари тармоқларидаги лойиҳалар бўйича кўрсатмалар берилди.

Қуни кеча Норин дарёсида ГЭСлар каскади, Поп туманида минг мегаваттли 2 та кўёш электр станцияси қурилиши бошланди. Келгуси йилда Катта Андижон каналида 51 мегаваттли кичик ГЭСлар каскади ҳам ишга тушурилиши режалаштирилган. Буни давом эттириб, гидроэнергетикани ҳар бир сой, ҳар бир маҳаллага олиб қирадиган тизим қилиш муҳимлиги қайд этилди.

Қишлоқ ҳўжалигидаги масалалар муҳокама қилина экан, каналларни бетонлаш, сув тежовчи технологияларни жорий қилиш ишлари мутлақо қониқарсиз экани кўрсатиб ўтилди.

Учқўрғон, Поп, Уйчи ва Мингбулоқда Словения тажрибаси асосида интенсив балиқчилик йўлга қўйилиши, бу тармоқда 4 та йирик лойиҳа ишга тушурилиши айтилди.

Наманганда 1,5 миллион тонна мева-сабзавотдан 10 фоизи экспорт қилинган. Агар иш тўғри ташкил қилинса, экспортини 3-5 баробар ошириш мумкин. Шу мақсадда вилоят мева-сабзавот экспорти географияси Хитой, Германия, Италия,

Испания ва Араб давлатларига кенгайтирилади. 54 минг гектар ернинг агрокимёвий харитаси ишлаб чиқилиб, 18 минг гектари “GSP+” талабларига мослаштирилади.

Вилоятда мева-сабзавот, гўшт ва сутни қайта ишлаш даражаси ҳам кам. Масалан, Косонсой ва Чортоқ мева-сабзавотчиликка ихтисослашган бўлсада, бирорта қайта ишлаш корхонаси йўқ.

Шу боис бу йўналишда 141 миллион долларлик 62 та лойиҳа ишга туширилади. Косонсой ва Попда йирик чорвачилик кластерлари ташкил этилади.

Шаҳар ва маҳаллалар инфратузилмасини яхшилаш вазифалари ҳам жуда муҳим. Бугунги кунда 200 минг аҳоли учун Янги Наманган шаҳри қурилмоқда. Энди Чуст ва Поп туманида 10 минг аҳоли учун “Янги Ўзбекистон” массивлари, яна 20 минг хонадонли турар жойлар, IT-парк ва бoғ барпо этилади.

Туманларда ичимлик суви таъминотини яхшилаш, йўллар қуриш ва таъмирлаш вазифалари белгиланди.

Вилоятдаги 16 та ихтисослашган тиббиёт маркази негизида иккита – биринчи ва иккинчи Наманган тиббиёт марказлари ташкил этилади. Бунда шошилинч ва бошқа тиббий хизматлар, диагностика текширувлар ҳамда тор соҳа мутахасссларини бир жойга жамлаш, аҳолига туну кун хизмат кўрсатиш имкони яратилади.

Олий ўқув юртларида таълим сифатини ошириш, ёшлар ва хотин-қизлар бандлигини таъминлаш вазифаларига ҳам тўхталиб ўтилди.

Йиғилишда муҳокама қилинган масалалар юзасидан вилоят ва туман ҳокимлари, вазирлар ахборот берди. Видеоалоқа орқали туманлар жамоатчилиги билан самимий мулоқот бўлди.

Давлатимиз раҳбари ташаббуси билан 2017 йилда Тўрақўрғон туманида Исҳоқхон Ибрat номидаги ижод мактаби, бoғ ва музей барпо этилган эди.

Шавкат Мирзиёев 2021 йилда наманганлик сайловчилар билан учрашувда жадид бобомиз номида чет тиллари олийгоҳи ташкил қилиш мақсадини айтганди. Бу ҳаётга кўчиб, 2022 йилда Тўрақўрғон туманида шундай институт ташкил топди.

Институтда жаҳон тиллари факультети, 6 та кафедрa ва 16 та таълим йўналиши бор. Ҳозирда икки босқичда 1 минг 523 нафар талаба сабоқ олмақда. Келгуси йилларда уларнинг сони яна ортади.

Шунинг учун Янги Наманган худудига 5 гектар жойда олийгоҳ учун янги кампус қурилмоқда.

Президентимиз ушбу бунёдкорлик ишларини кўздан кечирди.

Бугунги кунда Олий Мажлис Сенати томонидан халқ депутатлари маҳаллий Кенгашлари билан мунтазам равишда ўқув семинарлари, учрашувлар ўтказилиб, унда амалга оширилаётган ишлар сарҳисоби ҳамда келгусидаги вазифалар муҳокама қилиб борилмоқда.

МАВЖУД МУАММОЛАР МАҲАЛЛА ЕТТИЛИГИ ҲАМКОРЛИГИДА ҲАЛ ЭТИЛАДИ

Яқиндагина бўлиб ўтган навбатдаги онлайн учрашувда худудларни ижтимоий-иқтисодий ривожлантириш юзасидан белгиланган чора-тадбирларни манзилли ўрганиш ҳамда самарали назоратни амалга ошириш масалаларига алоҳида эътибор қаратилди. Даставвал жорий йилнинг 2 февралда қабул қилинган Ўзбекистон Республикаси Президентининг “Маҳаллий давлат ҳокимияти органлари фаолиятининг самарадорлигини ошириш чора-тадбирлари тўғрисида”ги Фармонида белгиланган вазифалар муҳокама қилиниб,

шунингдек, бугунги кунда маҳаллий кенгашлар фаолиятида учраётган айрим муаммоли масалалар кўриб чиқилиб, уларни бартараф этиш бўйича вазифалар белгиланди.

Шунингдек, бугунги кунда маҳаллий кенгашлар фаолиятида давлат дастурларнинг ижроси устидан самарали назорат ўрнатиш масалаларига алоҳида эътибор қаратилмаётганлиги бундан кейин маҳаллий кенгашлар томонидан худудни ижтимоий, иқтисодий ривожлантириш бўйича белгиланган вазифалар ва лойиҳалар ижроси устидан

самарали назоратни амалга ошириш, қолаверса, уларнинг амалга оширилишида яқиндан кўмаклашиш бўйича ишлаб чиқилган механизм асосида ишларни ташкил этиш, бунда кенгаш, унинг котибяти доимий комиссиялари ҳамда депутатлар олдидаги вазифалар белгилаб олинди. Ушбу тизим асосида эндиликда депутатлар томонидан Ҳукумат қарорларида белгиланган вазифалар ижроси устидан назорат ўрнатилиши ҳамда амалга оширилаётган ишлар ҳар чорак якуни бўйича тегишли туман, шаҳар, вилоят кенгашларининг



мажлислашда танқидий муҳокама қилиниб, жойлардаги муаммоларни эса маҳалла еттилиги билан биргаликда “туман – вилоят – республика” даражасида кўтариб чиқиш ҳамда ҳал этиш тизими йўлга қўйилиши ҳам белгилab олинди.

Абдулазиз ХЎЖАКОВ,
Халқ депутати
Жиззах шаҳар Кенгаши депутати,
"Шодлик" МФЙ ҳоким ёрдамчиси.

Мутахассис тавсиялари

ЧИГИТ ЭКИШДАГИ МУҲИМ ТАВСИЯЛАР

Баҳорнинг илиқ кунлари бошланиб, далаларда ҳам ишлар кўпаймоқда. Ерга уруғ тушмоқда. Мўл ҳосил олишнинг энг муҳим омилларидан бири уруғни ўз фурсатида қадашдир. Бунинг учун пухта тайёргарлик талаб этилади. Суғориладиган деҳқончиликда, хусусан, пахтачиликда ер бир текис намланиши, сувдан унумли фойдаланиш, ерларнинг мелиоратив ҳолатини яхшилаш, сифатли экиш, ўсимликларнинг бир текис ривожланиши муҳим аҳамиятга эга.

Дала яхши текисланса, экин барвақт унади ва соғлом бўлади. Яхши текисланган дала эгатларини сув босмайди, тупроқ бир текисда намланади. Ер юзасини юмшатиш, тупроқни майин қилиш ҳамда ҳайдалма қатлам ҳавоси алмашинишини яхшилаш учун ер бороналади. Бороналаш баробарида ер текисланади, бегона ўтлар йўқотилади ва буғланиш камайиб, нам яхши сақланади. Боронани соатига 7-8 километр тезликда ишлашги тавсия этилади. Тезлик бундан ошиб ёки пасайиб кетса, сифат бузилади. Тупроқ нами дала нам сиғимига нисбатан 50-60 фоиз бўлганда, бороналаш энг қулай муддат ҳисобланади. Аммо, кумоқ, қумлоқ тупроқли ерларда нам бундан юқори бўлганда ҳам бороналаш мумкин. Ернинг юза қисми намсиз, қуруқ бўлса, бороналаш вақтида фақат кесаклар кўчиб, тупроқ увокланмайди. Ерни бороналаш чуқурлиги боронани тракторга агрегатлашга, яъни уни узун ёки қисқа агрегатлашга боғлиқ. Чунончи, боро-на тракторга узун уланса, ер чуқур, аксинча калта уланса, саёб бороланади. Шунинг учун улаш узунлиги муайян бўлиши тақозо этилади. Шўрланган ерларга кузги шудгор

олдидан ўғит берилмаган бўлса, шўри ювил-гач, фосфорли ўғитлар йиллик меъйорининг 60, калий ўғитининг 50 фоизини эширдан олдин бериш керак. Ниҳолларни барвақт ва қийғос ундириб олиш мақсадида тажрибалардан келиб чиқиб, пушта усулидан фойдаланилса, мақсадга мувофиқ бўлади. Бу усул ҳайдов қатламида тупроқ зичлигини узоқ вақт мақбул даражада сақлаб турилишини таъминлайди. Бундай технологияда тупроқнинг устки қисми-да ҳарорат чигит текис далага экилгандагига қараганда 2-30 с юқори бўлади, чигитлар эса барвақт униб чиқади. Далага пушта (марза) тортиш учун шудгордан кейин тупроқнинг устки қисми бороналаш билан бир вақтда мола босиб текисланади. Шундан кейин яхши тайёрланган марза-пушта тортувчи махсус мосламали тракторлар чиқарилади. Уст қисми-да ўтकिр чўққилар пайдо бўлган пушталарга сеялка ёрдамида чигит экиш мумкин эмас. Марза-пушталарнинг уст қисмида чигит экувчи сеялканинг сошниклари юриши учун 18-20 сантиметр кенгликда кичкина майдон қилиш мақсадида марза-пушта тортувчи мослама енгил мола билан таъминланади. Молани ўл-



чамлари 50x50 миллиметр бўлган бурчакли темирдан тайёрлаш мумкин. Пуштага чигит экиш пайтида трактор ва сеялка ғилдиракла-ри эгатлар тубидан узунлиги бўйлаб ўтади ва чигит экилаётган марзалардаги тупроқни зичлантирмайди. Аммо, пуштага экиш учун текис ёки бирмунча қия, тупроқ шўрланмаган, шунингдек, ўртгача шўрланган лекин шўри яхши ювилган майдонлар танланади. Шундай

қилинганда чигит пуштанинг уст қисмига 3-4 сантиметр чуқурликка экилади. Бу эса чигит экишини 3-4 кун эрта бошлаш имкониятини яратди. Пушталарнинг уст қисмида ҳосил бўлган қатқалоқнинг қилинлиги 1-2,5 марта, мустаҳкамлиги эса 2-3 марта кам бўлади.

Кейинги йилларда республикамизнинг Ан-дижон, Сирдарё, Қашқадарё ва бошқа вило-ятлар фермер ҳўжаликларида пуштага экиш

тажрибаси кенг миқёсда амалга оширилмоқда. Бу тадбир чигитни барвақт ва қийғос унди-риб олиш имконини беради. Шу билан бирга, пуштага экиш усули ҳайдов қатламида тупроқ зичлиги узоқ вақт мақбул даражада сақланиб туришини таъмин этади. Пахта селекцияси, уруғчилиги ва етиштириш агротехнологиялари илмий-тадқиқот институтининг маълумотла-рига қараганда, бундай далаларда қатқалоққа қарши кураш кўп вақт талаб қилинмайди. Чуқур эгатлар бўйлаб суғориладиган тупроқ-нинг капилляр сув оқими билан намланиши таъминланади. Бу билан ғўзанинг вегетацион даврида ҳайдалган тупроқ қатламида узоқ вақт намликнинг сақланишига эришилади. Чигит пуштага экилганда ғўзанинг интенсив ривожла-ниши учун керак бўлган жуда қулай иссиқлик ва озикланиш шароитлари яратилади. Бунинг ҳаммаси ҳар гектар майдондан олинадиган пахта ҳосилдорлигини 4-6 центнерга ошира-ди ва 7-8 кун олдин пишишини таъминлайди. Илм-фан ютуқлари ва тажрибаларидан ўтган тавсияларнинг қўлланилиши пахтакорларга пировард натижада салмоқли кўрсаткичларга эришиш имконини беради.

Сирасини айтганда, ерни экишга ўз вақти-да ва сифатли тайёрлаш бўлғуси мўл ҳосилга мустаҳкам замин яратди.

Р. НАЗАРОВ,
Ўзбекистон Республикасида хизмат кўрсатган қишлоқ ҳўжалиги ходими, қ.х.ф.д., профессор,
Жўраҳон АБДУЛЛАЕВ,
Қишлоқ ҳўжалигида билим ва инновациялар миллий маркази бош мутахассиси.

Ота-боболаримиз заминни бир танага, сувни қонга, ариқ ва сойларни эса қон-томирларга бежиз қиёслашмаган

(Боши 1-саҳифада)
Айни кунларда мелиорация объектларини қуриш ва реконструкция қилиш бўйича ишлар жадал давом эттирилаётир. 3 дона янгидан бошланувчи мелиорация лойиҳаларида 8 км. узунликдаги коллекторларни реконструкция қилиш ва 7 дона тик дренаж қудуқларини қуриш режалаштирилган. Режага нисбатан 107 фойзга иш бажарилди. 0,9 млрд. сўм аванс маблағлари молиялаштирилди.

Худуддаги Катта Наманган магистрал канални 1974-76 йилларда ишга топширилган. 6 та тумандаги суғорма ерларга сув етказиб беради. Каналнинг тупроқ ўзали қисмларида ҳар йили сувнинг сизими (филтрация) натижасида тахминан 25-30 млн. метр куб сув йўқотилади. Бу сув билан 4000 гектар пахта ёки 7000 гектар ғалла майдонларини суғориш мумкин. Бу каби исрофгарчиликка барҳам бериш учун 2024-2026 йиллар мобайнида каналнинг 27 км. қисмини бетонлаштириш режалаштирилган. Жорий йилда каналнинг 17,5 км. узунликдаги қисми фойдаланишга топширилади. Бунинг учун марказлашган маблағлар ҳисобидан 45 млрд. сўм молиялаштирилиб, ўзлаштирилади. Канални бетонлаштириш натижасида 30 млн. метр куб сув йўқотилишининг олди олинади.

Шу кунларда бу жойда “To’palang HPD Holding” масъулияти чекланган жамиятига қарашли 17 та эксковатор, 14 та автосамосвал, 18 та ёрдамчи техникалар, 120 нафар ишчи фидокорона меҳнат қилмоқда. Натижада шу кунга қадар 25980 метр куб тупроқ, 19166 метр куб бетон ишлари бажарилиб, каналнинг 7,05 км. узунликдаги қисмини бетонлаштиришга муваффақ бўлинди

Шунингдек, Чуст тумани “Дамарик” каналининг бош иншооти, Косонсой туманидаги “Қуқумбой” каналининг 1,5 километрли, Давлатобод туманидаги “Машканал”нинг 3 километрли, Наманган туманидаги “Хонариқ” каналининг 0,8 километрли қисмида бетонлаштириш, “Сигма” насос станциясидан “Қуқумбой” каналига қўшимча сув ташлаш учун қувур ётқизиш ишлари “Янгиқўрғонсервискурйилиш” МЧЖ томонидан жадал давом эттирилмоқда. Бу ишларга қурилиш ташкилотининг 8 та эксковатори, 7 та автосамосвал, 7 та қўшимча техникалари, 69 нафар ишчилари жалб қилинган.

Шу ўринда сувдан тежаб фойдаланиш борасида баъзи фикр, мулоҳаза ва таклифларимни айтиб ўтмоқчиман. Маъ-



КАМ СУВ САРФЛАБ, МЎЛ-КЎЛ ҲОСИЛ ЕТИШТИРАМИЗ

лумки, яқин-яқингача Сувдан фойдаланувчилар уюшмалари ва фермер хўжаликларининг тасарруфида бўлган суғориш тармоқлари асосан тупроқ ўзали бўлиб, уларнинг фойдали кўрсаткичлари жуда паст – 50-63 фойзни ташкил этган. Бунинг оқибатида жуда кўп миқдорда сув йўқотилган. Қолаверса, суғориш тармоқлари фойдаланувчиларнинг иқтисодий жиҳатдан ночорлиги, эгасизлик ёки сансоларлик натижасида ўз вақтида таъмирланмаганлиги ёки қаровсизлиги сабаб бўлган.

Давлатимиз раҳбарининг 2023 йил ноябр ойида ўтказилган йиғилишида мазкур масала жиддий муҳокама қилинди. Ҳар бир вилоятда кластер ва фермер

хўжаликларига тегишли ички суғориш тармоқларини бетонлаштириш, сув йўларини таъмирлаш топшириги берилди.

Долзарб вазифалардан келиб чиқиб, вилоятдаги кластер ва фермер хўжаликларига тегишли ички суғориш тармоқларида сув йўқотишларининг олдини олиш, бор сувдан унумли фойдаланиш мақсадида 1300 км. ички суғориш тармоқларини бетонлаштириш режалаштирилди. Туманлар ҳамда суғориш тармоқлари эгалари кесимида бетонлаштирилаётган тармоқлар шакллантирилди. Ҳавза бошқармаси ва тумаларда штаблар ташкил этилди. Тармоқларни бетонлаштиришда тавсиялар ва кўрсатмалар бериш учун мутахассислар бириктирилди. Улар томонидан бажарилган ишлар таҳлил қилиниб, сифат даражаси назорат қилиб борилмоқда. Жойларда махсус бригадалар ташкил этилиб, ҳашарлар уюштирилмоқда. Тармоқларни бетонлаштириш ва иш сифати юзасидан далолатнома тузилиб, расмийлаштириш йўлга қўйилган.

Бугунга қадар 119 км. узунликдаги бетонлаштирилган тармоқлар ана шундай талаб асосида қабул қилиб олинган. Вилоят бўйича бу кўрсаткич 845 километрни ташкил этаётир. Кунлик иш унуми 21 километрдан кўпроқ бўлаяпти. Шу ўринда яна бир мулоҳазани айтиб ўтишни жоиз, деб ўйлайман. Вилоятда аҳоли пунктлари, ташкилотларга қарашли ерлар, ҳатто хонадонлар ичидан кесиб ўтган қўлаб суғориш тармоқлари мавжуд. Маҳаллий ҳокимият томонидан шу тармоқларни ҳам бетонлаштиришга маблағ ажратил-

са, сувни тежаш, обиҳаёт тақислигининг олдини олишга озми-кўпми ҳиссаларини қўшган бўларди.

Ота-боболаримиз заминни бир танага, сувни қонга, ариқ ва сойларни эса қон-томирларга бежиз қиёслашмаган. Бу уч унсурининг уйғунлиги, тежаб-тергаб фойдаланиш, доимий этиббор ер юзидаги ҳаёт-момот, тўкинчилик ва турмуш фаровонлиги масалаларига чамбарчас боғлиқ. Ўтмишдаги хўжасизлигимиз, соннинг ортидан қувиб, сифатни унутишимиз сабаб қанчадан-қанча сув исрофи бўлди. Ҳосилдор экин ерлардан ажралдик, боғ-роғларни қуритдик. Дарё-сойлар сувининг камайиб кетиши қўзимизни очди. Президентимиз Наманган вилоятига ташрифи чоғида ҳам соҳа ходимлари олдида турган муҳим вазифаларга тўхталиб ўтди. Сув тежовчи технологияларни биринчи навбатда шу ҳудудда жорий қилиш шартлигини таъкидлади. Жорий йилда 60 минг гектарда сув тежовчи технологияни жорий қилиш, 40 минг гектар ерни лазерли текислаш юзасидан кўрсатмалар берди.

Наманган ер билан тиллашаётган, экин, боғ-роғлар билан диллашаётган уста ва миришкор деҳқонлар, фидойи инсонлар юрти. Шундай экан, Президентимиз томонидан билдирилган бу катта ишончни оқлаш йўлида барча имкониятлардан самарали фойдаланамиз. Кам сув сарфлаб, мўл-кўл ҳосил етиштириш чора-тадбирларини кўрамиз.

Жаҳонгир УМАРОВ,
Норин-Сирдарё ирригация тизимлари ҳавза бошқармаси бошлиғи.

Аллоҳ таоло Қуръони каримни тилга енгил, ўқишга осон, ёд олинишини қулай, такрор қилишни эса ёқимли қилган. Ҳар қандай матн ёки шеърни ўқиган одам ундан малолланиши мумкин. Лекин Қуръонни ҳар қанча такрор ўқисангиз ҳам малолланмайсиз, зерикмайсиз. Ушбу хусусияти ҳам – Қуръони каримнинг мўъжизаларидан биридир.

ЭНГ АФЗАЛ ЗИКИР

Ойша разияллоху анҳодан ривоят қилинади, “Расулulloх саллоллоху алайҳи васаллам: “Қуръонни маҳорат билан тиловат қилувчи қори мукаррам элчи фаришталар билан бир мақомдадир. Тили қийналиб тиловат қилувчига икки баробар кўп ажр бўлади”, деганлар (Имом Бухорий ривоятлари).

Аслида Қуръони карим тилларга осон қилиб қўйилган. Аммо баъзи ҳолларда маълум жумла ёки сўзлар талаффузи тилга оғирлик қилиши мумкин. Ана шундай ҳолларда мазкур ривоят ёдга олинса, бу йўлда чекилган ҳар бир машаққат чексиз роҳатга, ҳар бир қийинчилик беҳисоб савобга айланади.

Ҳозирда Ўзбекистон мусулмонлари идораси тасарруфидаги барча олий ва ўрта махсус таълим муассасалари қошида Қуръон карим ва тажвидни ўргатувчи ўқув курслари фаолият олиб бормоқда. Шунингдек, Қуръони каримнинг Қозон босмасини нашр этиш ишлари ҳам режалаштирилмоқда. Қолаверса, тажвид илмининг мустақил ўрганувчилар учун Диний идорамиз томонидан онлайн дарслар, махсус қўлланмалар ва уларнинг аудио-видео дарсликлари нашр этилган.

Шу ўринда эслатиб ўтишимиз лозимки, Қуръони каримнинг маънолар таржимасини ўқиб олиб, ундан ўзича ҳукм чиқариш оддий инсонларнинг иши эмас. Балки бу мухтаҳид олимларнинг вазифаси саналади. Бунинг учун Қуръон ва ҳадис илмини, оятларнинг нозил бўлиш сабабларини, носих-мансوخ, мутлақ ва муқайяд, омм ва хос каби усулul-фиқҳ қоидаларини пухта билиши ва улардан ўз ўрнида фойдалана олиш қўникмасига эга бўлиши лозим. Пайғамбаримиз саллоллоху алайҳи васаллам: “Ким Қуръонни ўз фикрича тафсир қилса, дўзахдан ўзига жой тайёрласин”, деганлар (Имом Термизий ривоятлари).

Ҳозирги кунда Аллоҳ таолонинг каломини ўз манфаати йўлида фойдаланиб, маъно ва эробларини ўзгартириб, қизиқувчан, ишонувчан ва эргашувчан баъзи инсонларни залолатга, маъсиятга бошловчи, ўзидан аллома ясаб олган жоҳил инсонларнинг фитналаридан эҳтиёт бўлмоғимиз ҳозирги куннинг талаби бўлиб турибди.

Муҳаммадшокир БОБОХЎЖАЕВ,
Норин туманидаги Умархўжа эшон жомеъ масжиди имом хатиби.



МАРТ ОЙИДА ЭКИЛАДІГАН ЭКИНЛАР

Март ойи ҳам ниҳояланаяпти, бироқ ҳали ҳам қандай экин экишни ўйлаб турибсизми?

Қуйидаги тавсия орқали айни март ойида экиш мумкин бўлган экин турлари ҳақида маълумот берамиз.

Март ойида помидорнинг эртапишар навларини экиш зарур. Экинш жараёнида ҳудуд шароити ва навнинг пишиб етилиш даври инобатга олинади.

Бақлажон кўп ёруғлик талаб қилгани боис ойнинг иккинчи ярмида экиш тавсия этилади.

Карам март ойининг ўрталаридан экилади ва тахминан 2 ой ичида трансплантацияга тайёр бўлади.

Қўк пиёзни март ойи охир-

ларида эҳтимолий совуқлар тутагач очик майдонга экиш тавсия этилади.

Қўкатлар (райхон, ялпиз, арпабодиён, селдер, укроп, кашинч, руколла)ни март ойининг иккинчи ярмида экиш тавсия этилади.

Селдерей – уруғлари униб чиқиши учун 14-18 кун керак бўлади.

Қовоқ кўчати совуққа доц. бера олмаса сабаб, март ойининг сўнгги 10 кунлигида экиш зарур. Экишдан олдин уруғларни намлаш ва уларни 25-30 кун олукларда сақлаш ва шундан сўнг очик ерга кўчириб ўтказиш тавсия этилади.

➤ **Эълон**

БАРЧА ҚУРИЛИШ ТАШКИЛОТЛАРИ ДИҚҚАТИГА!

“Маданий мерос объектлари реставрацияси дирекцияси” давлат муассасаси бош пудратчиллигидаги куйидаги объектларга ёрдамчи пудратчиларни аниқлаш учун ўтказилаётган тендер ва танловларга иштирокчиларни таклиф этади.

1. Объект номи: “Фарғона вилояти Фарғона шаҳрида жойлашган “ХХ-аср меъморий ёдгорлиги” биноси (вилоят маданият маркази) таъмирлаш-тиклаш ишлари”.

Объектнинг бошланғич нархи, ҚҚС билан – 2 459 468 238 сўм (шундан 2024 йилда ҚҚС билан – 2 000 000 сўм ва қолган ҚҚС билан 459 468 238 сўм манзилли рўйхат асосида маблағлар ажратилиб, буюртмачининг махсус ҳисоб рақамига келиб тушгандан сўнг молиялаштирилади).

Ишларни тугаллаш муддати – 180 кун.

Харид тури: очик тендер.

2. Объект номи: “Самарқанд вилояти, Нуробод тумани, Араб Ота Тими МФЙда жойлашган “Араб ота” мақбарасида таъмирлаш-тиклаш ишларини амалга ошириш” (ушбу объект бўйича тендер қайта ўтказилмоқда).

Объектнинг бошланғич нархи, ҚҚС билан – 589 578 463 сўм.

Ишларни тугаллаш муддати – 90 кун.

Харид тури: очик танлаш.

Объектни молиялаштириш манбаси: Бюджет маблағлари ҳисобидан.

Бош пудратчи: “Маданий мерос объектлари реставрацияси дирекцияси” давлат муассасаси.

Манзил: Тошкент шаҳри Миробод тумани Т.Шевченко кўчаси 1-уй.

Тендер ва танлов иштирокчиларига куйидаги талаблар қўйилади:

✓ доимий ходимлари, жумладан, муҳандис-техник ходимларига эга бўлиши;

✓ ишлаб турган асосий воситалари, шу жумладан, ишлаб чиқариш базаси, машина ва механизмлар, кичик механизация воситаларига эга бўлиши;

✓ ўз айланима маблағлари билан таъминланганлиги (кўрсаткич 0,2 коэффицентдан кам бўлмаган) ва тўловга қодирлиги (кўрсаткич 1,25 коэффицентдан кам бўлмаган);

✓ ўхшаш объектларда ишлаганлик тажрибаси мавжудлиги;

✓ бажарилган ишлар, шу жумладан, ўз кучи билан олдин бажарилган ишлар ҳажми ҳақидаги маълумотларни тақдим этиш.

Тендер ва танловда иштирок этиш учун белгиланган тартибга мувофиқ тегишли лицензияга эга бўлган иштирокчиларга рухсат этилади.

Қуйидаги иштирокчиларга тендер ва танловда иштирок этишга рухсат берилмайди:

✓ қайта ташкил этилиш (бўлиниш, қўшилиш), тутатиш ёки банкротлик арафасида турганлар;

✓ мол-мулки мусодарага олинганлар ҳамда муассислик келишув, молиявий иштирок, холдинг ва бошқа шаклда ифодаланган бевосита ташкилий-ҳуқуқий ёки бир-бирига молиявий қарамлиги мавжудлар.

Иштирокчилар танишиб чиқиш ва таклифини тузиш мақсадида, лойиҳа ҳужжатлари, хусусан, лойиҳанинг график қисми (чизмалари)ни тақдим этилиши ҳақида ташкилотчисига мурожаат қилишга ҳақлидир.

Бош пудратчи ёки ташкилотчи объектнинг лойиҳа ҳужжатларини, шунингдек, унинг график қисмини (чизмаларнинг нусхаси ёки электрон варианты)ни иштирокчиларига уларнинг биринчи талабиданоқ

тақдим этишга мажбур.

Иштирокчилар таклифлари ташкилотчи томонидан иш кунлари соат 9-00 дан 18-00 гача қабул қилинади.

Ташкилотчи "STROY KONSALTING SERVIS" МЧЖга оферталарни тақдим этишнинг охириги мuddати – оферталарни очиш куни ва вақтигача Тошкент шаҳри Миробод тумани Шахрисабз кўчаси 16 “а”-уй манзилдаги офисида қабул қилинади. Мўлжал: “Агрорасаноатлоиҳа” МЧЖ маъмурий биносининг 504-хонаси. тел: +99891 018-75-57.

Талабдор томонидан белгиланган тартибда тендер ва танлов бўйича харид қилиш ҳужжатларини олиш тўғрисида буюртманомга ташкилотчига топширилган ва тўлов қилинган кундан 2 кун ичида электрон кўринишда берилади.

Тендер ҳужжати битта тўпламининг нархи – 2 500 000 сўм.

Танлов бўйича харид қилиш ҳужжатлари битта тўпламининг нархи – 1 500 000 сўм.

Таклифларни топшириш иштирокчининг тендер ва танлов бўйича харид қилиш ҳужжатларида қўйилган талабларни ўргангани ва унда кўрсатилган ишларни бажариш, ишларнинг физик ҳажмлари, материал ва конструкциялар ҳажмлари ҳамда бошқа шартларга нисбатан лойиҳани тугаллашга таъсир этиши мумкин бўлган саволлар йўқлигига далолат ҳисобланади.

Таклифларни очиш эълон газетада чоп этилганидан бошлаб, камида тендерларда ўн икки иш кунидан (ўттиз иш кунидан кўп бўлмаган) ҳамда танловларда беш иш кунидан сўнг ўтказилади.

TINGLOVLAR BO‘LIB OTADIGAN JOYLAR VA VAQTLAR:
Qumqo‘rg‘on tumani hokimiyati - 26 mart, 12:00
Sho‘rchi tumani hokimiyati - 26 mart, 15:00
Sariosiyo tumani hokimiyati - 27 mart, 12:00
Denov tumani hokimiyati - 27 mart, 15:00
Jarqo‘rg‘on tumani hokimiyati - 28 mart, 12:00
Termiz tumani hokimiyati - 28 mart, 15:00

Булунғурнинг тоғидан лочинимни учирдим,
Бойсуннинг тоғларидан кўз тикади болларим..

➤ *Автобиографик очерк*

Шукур акынч ОҖА ЮРТИ

**Ёхуд Ўзбекистон халқ ёзувчиси
Шукур ХОЛМИРЗАЕВнинг булунғурлик
авлодлари ҳақида**



синча, туманнинг равнақи учун ҳалол, покиза меҳнат қилишни ўз олдига катта мақсад қилиб қўяди.

Файзулла бобомиз кейинчалик Бойсунда бир неча вази-
ларда, яъни РаёпоЗ раиси, колхоз раиси, кишлоқ шўроси раиси,
тўқимачилик фабрикаси директори, туман ижтимоий таъминот
бўлими бошлиғи, туман партия комитети котиби вазифаларида
ишлаган, туманнинг энг фаол хотин-қизларидан бири, партия
фаоли, икки нафар фарзанднинг онаси Ойша момонизга кўнгли
кўядилар ва болаларини тарбиялашга ваъда бериб, турмуш ку-
радилар. 1940 йили март ойда ўғил фарзанд кўришиб, иминини
Шукр қўядилар. 1941 йилнинг ўрталарида Файзулла бобомиз

Ғулом ЎРОЛОВ, “Булунғур ҳаёти” газетаси муҳаррири:

– Ҳеч ёдимдан чиқмайди. Ш бола эдик, туман газетатга шеърлар, мақолалар ёзиб турардим. Кутилмаганда қўшиқлогимизда: “Ҳўжалик марказидаги Ғаниев Урлолнинг тўйига Шукур Холмирзаев деган катта ёзувчи келармиш”, деган гап тарқалди. Уша кунни бошқалар қатори мен ҳам сабрсизлик билан кута бошладим. Тўйлар ҳам кечкурунлари бўларди. Хуллас, тўрт-бешта тенгқурларим билан тўйхонага бордик. Қурга яқинлашиб бўлмадик. Тумонат одам йиғилган. Биз тенги бошқа болалар қатори тўйхона ёнидаги дарактархонинг шохларига чиқиб олдик. Кўп ўтмай тўй раиси меҳмонлар келаётганлигини эълон қилди шеклилл ҳамма жойидан турди. Қарсақлар оғушида даврага Ўзбекистон Халқ ёзувчилари Шукур Холмирзаев, Усмон Азимов ва ҳамқўшиқлогимиз солиб “Совет Ўзбекистони” газетаси муҳбири Холбой Қосимовлар кириб келишди. Тўй бақовуларининг илтимосига кўра Шўкур Холмирзаев жижяларининг тўйини очиб берганди. Ҳшанда...”

Амакимиз Шукур Шолмирзаев ота юрти – қишлоғимизга доимо оиласи, ижодкор дўстлари, шогирдлари билан ташриф этарди.

Холбой ҚОСИМОВ
адиб

➡ Реклама

MAXAM-CHIRCHIQ

SHOSHILING !!!

Kaltsiy va magniy mikroelementli AMMIAKLI SELITRA Birja savdolarida.

Manzil: Toshkent viloyati Chirchiq shahri Toshkent ko'chasi 2-uy.

Tel: +998 (7071) 5-25-20, 5-34-40, 9-35-08.
Faks: +998 (7071) 6-40-79, 6-55-46, 6-45-57.

✉ info@maxam-chirchiq.uz
🌐 www.maxam-chirchiq.uz

Mahsulot sertifikatlangan
№ UZ.SMT.01.080.64398163
GOST 2-2013

Qishloq hayoti

МУАССИСЛАР:
Ўзбекистон Республикаси
Вазирлар Маҳкамаси комплекси таркибидаги
ҳамда бошқа дахлдор вазирлик ва идоралар.

Бош муҳаррир: Чори ЛАТИПОВ

Таҳрир ҳайъати:
Иброҳим АБДУРАҲМОНОВ, Шавкат ҲАМРОЕВ,
Ақтам ХАИТОВ, Маҳмуд ТОИР,
Ҳабиб ТЕМИРОВ (бош муҳаррир ўринбосари),
Раимқул СУЯРОВ (бош муҳаррир ўринбосари).

Ўзбекистон Мағбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган.
Ҳажми 2 босма табоқ, Өсмақт ўсудла босилди, қозғи босилди А-2. НАШР ИНДЕКСИ – 144. Буғурта Г-317. 1840 нусхада чоп этилди.
Газета тахририят қомпютер марказида терилди ва саҳифаланди.

Тахририят мазли: Ташкент вилояти Қирғай тумани, Университет қўчаси, 2-й. **Телефонлар:** 95-080-43-70, 99-050-69-45.
Реклама ва эълонлар: (998 90) 317-19-16, e-mail: info@ishlokhavoti@mail.ru Бахоси келдишилган: нахоса.

Газета "Шарқ" нашриёт-матбаа акциядорлик компанияси босмахонасида босилди.
Босмахона манзили: "Буюк Турон" кўчаси, 41-уй. 1 2 3 4 5 6

ISSN 2010-7021

Босишга топшириш вақти: 21.00
Босишга топширилди: 17.00